



UNIVERSITÄTS-
BIBLIOTHEK
PADERBORN

**ITINERARI[I] || ITALIAE || RERVMQ. ROMANARVM || LIBRI
TRES ||**

Schottus, Franciscus

Antverpiae, 1600

Liternvm Colonia cur nunc Turris Patriæ.

[urn:nbn:de:hbz:466:1-70633](https://nbn-resolving.de/urn:nbn:de:hbz:466:1-70633)

obsidionem, capi potuisse. Nunc autem inter ruinas ingentes adhuc murorum & turriū fundamenta, atque ex rupibus excisæ fossæ profundissimæ cernuntur. Cumis deinde cum *Gauro* monte relictis, viæ *Domitianæ* (quam admodum luculenter nobis Statius poëta in *Siluis suis* describit) sæpius interruptæ reliquias repetiunt: nec non ingentes lapidei pontis ruinas in *Vulturno* positi: quam viam ex *Appia* inter *Minturnas* ac *Sueßam Domitianus* inchoatam per campum *Stellatem* atque *Literninas* paludes duxerat usque *Cumas*; sicut ex hendecasyllabis dicti *Statij Papinij* poëtæ colligimus: qui etiam pontis in *Vulturno* meminit, nec non arcus triumphalis in viæ huius ingressu ad *Appiam Domitiano* positi ex marmore Ligustico; cuius, nescio, an extant adhuc reliquiae.

LITERNUM COLONIA cur nunc Turris Patriæ.

VIdebis tamen ad viæ lœuam in itinere *Literni* veteris Romanorum coloniæ ruinas, iuxta speculam in litore positam, quam vulgo nunc *Turrem patriæ* vocant à maioribus tradita nuncupatione: sic ut videatur inde defluxisse nomen hoc, quia *P. Scipio maior Africanus* voluntario secessu suo locum nobilitarit, patriam Romanam fugiens, ac priuatim in villa sua vitam ibi finiens, ciuium suorum criminacionibus inquis offensus. Nam immortalem patriæ inurens ingratitudinis notam, voluntatis extremæ decretu sepulchro ibidem suo insculpi iusserat: quo cineres ossaque sua negabat ingratae, quam in cineres collabi, Pœnisque seruire passus non fuerat. Animi, me hercle, pii, moderatiique magnitudine maior tum *Scipio* fuit, quam tot antè partis victoriis: qui non armis, ac *Cn. Coriolanus*

S S violen-

violentia, sed sola ingratisudinis accusatione ciuium suorum iniurias vlcisci satis habuit : patriam viuus, mortuusque voluntaria absentia sua, tanquam exilio quodam, multare volens. Plus etenim *Roma* perdidit in fortissimo ciue principe senatus sui, quam *Scripio* in patria sponte derelicta: quem nihilominus rerum præclarè gestarum gloria, virtutumque maiestas semper indiuiduæ sequebantur. Auctores sunt *Liuius*, *Strabo*, *Val. Maximus*, aliisque plures, *Literni* in villa sepulchrum Africani maioris fuisse. Quibus astipulatur itē *Anneius Seneca* in *xxcvii.* ad *Lucilium* suum epistola, quam ex eadem *Scipionis* villa tum adhuc extante *Literni* scripsérat; ubi & eius frugalem structuram, locique situm exactius depingit. *Plinius* item naturæ historiæ scriptor testatur libri *xvi.* capite ultimo, sua ætate in *Liternino* durasse prioris Africani manu satas oliuas: item *myrtum eiusdem in luco conspicue magnitudinis*, & sub ea specum fuisse dicit; in quo manes eius custodire draco ferebatur. Hinc item fabula fortassis ad posteros dimanauit de monte *Draconis* non procul diffito, ubi & nunc affirmant accolæ *Massici* promontorij illius in specu vasto sub ara quadam in ædicula *D. Mari* vetusta latitare draconem, qui intrantes primū exanimet tetro veneno, & postea deuoreret: atque castello montique nomen inde impositum esse, quemadmodū *I. Ponanus* in historia *belli Neapolitani* memorie prodidit.

SYNOPE, VEL SINVESSA
colonia.

SV B arce maioris Draconis, antiquissima quondam Græcorum colonia *Synope*, à Romanis *Sinuessa* post appellata, cuius peringes.